

Ɔwulúá Paulo Lówanlín Sísí

Tito

Itsiáha

1 ¹Mí Bulu osúmbi Paulo, ngyi Yesu Kristo sumbí ɔɔɔpó dé ɔwulú ánfí wanlín.

Bulu léle mí ɔbéɛ, mbeha ahá á múú alalé ámu abutra nya hógyi tsia. Mí ansuna amú abubi ɔɔɔkwálá íbéha amú bétsiá tsiátzá ilegýi mu ansí. ²Fówun íha amú abudínka ansí nkpa ání ítamátású. Bulu tamawá afunu! Múléhie mú yái asa ɔyí lebelin. ³Aní Nkpa Ɖhóɔɔ Bulu léle mu asún ánfí ɔwan mu onutó brétó, ɔɔɔɔwá mí íbitɔ ɔbéɛ, ndáa mú ɔkan.

⁴Nde ɔwulú ánfí wanlín sísí fú Tito, ání fúgyi mí bí onutó Kristo hógyi amutɔ.

Aní Sí Bulu mva aní Ɖhóɔɔ Kristo Yesu bugýíi fu buale, abuha fú iwílwii!

Tito Gyumagyíhe Kreta

⁵Tzá suá nesi fú yái Kreta ɔmátó gyí alíá fómɔ aní agyúmá ɔnɔ ínu, yái ɔpasua ahande wúlugyíwúlusu fé alíá nebláa fu. ⁶Imehián ání ɔlala bétsiá ɔpasua ɔhande íwi. Ɖbwéé ɔká ɔkule otsiáɔ, mu abí bugýi ahógyíɔ. Bubúu ató; bumábwe nyebí laláhe. ⁷Ínà Bulu agyúmású ɔpasua ɔhande amu dékí su á, ɔlala mátsiá mu íwi. Ɖmábwe ɔhá ání ɔtamahɔ ahá asún, ntéé ɔɔkósí nyá ɔbló, ntéé ɔɔɔbú ntá, ntéé otekle íkó ntéé ɔbu sika ɔnsíɔ. ⁸Mboún ɔbwéé ɔhá ání ɔɔɔɔ afóó, ɔɔɔbwé yilé, ɔbu nyánsa, mu asún da ɔkpa, mu íwi letun, otegyi íwísu. ⁹Ɖbwéé ɔhá ání asún á múú bosuná mu amu íbu mútó. Ílehián ání ɔbékítá mútó kínkíínkín, ménu

Tito

ɔ́bétalí há ahá bóbuo atosunáhé wankláán ámu, tálí gyi ahá ání bégyi atosunáhé amu nwéen é́sú.

¹⁰Tsá svá nde íni blí gyí, ahá tsɔtsɔtsɔ bakúsú líí atosunáhé wankláán ámusu, buɗe asún ání uma labi pumlé ahá. Títriu ketétún mblasu agyípú amu dé íni bwe ní. ¹¹Ilehián ání mléka amú itin, tsúfé buɗe atsá imehián ání bosunátó. Íni lahá abusuan tsɔtsɔtsɔ bafwí ɔkpa. Buɗe mú bwe é púdúnká sika ɔkpa laláhesu tsú ahá wá. ¹²Kretafɔ ámu onutó yébi ɔhapú ɔku kúráá léblí ɔbéé, “Afunupu, mbwíkítá-atɔ, apotsuapu pú awuliyɔpú Kretafɔ bugyi.” ¹³Ɔɔkwali asún ánti gyí. Mú su kina ha amú kínkíínkín, méni amú Kristo hógyi ɔnó b́owa ɔnlun. ¹⁴Abusi Yudafo ɔte nu, si ahá ámúb bakíná ɔɔkwali amu atosunáhé é́sú gyí. ¹⁵Ɔhá ání mu iwí létun Bulu ansító á, tógyító iwí létun ha mu. Táme tɔtɔ iwí métn ha lalahe ɔbwepúbá ɔtamaho Yesu gyi. Lélé mú á, mu agywun layíntá, mu klun é ulasí mu ipón ha su ɔtamabí yilé ntée lalahe. ¹⁶Butɔpú ɔnó blí bæe buyin Bulu, táme amú bwehé losuná ání bumeyín mu. Bubu Bulu nyányáa, butamabú mu, butamatálí bwé ito wankláán kukuuku é.

Atosunáhé Wankláán

2 ¹Táme fú mú á, suna amú tsá ilekanáa atosunáhé wankláán ámu. ²Suna ayin dehen amu abugyi iwísu, abubwe ahá ání obú bu amúsú, butegyí iwísu. Buhíe kita amú hógyito kínkíínkín. Buɗwée ahá wankláán, abuhie tomi. ³Suna atsi dehen é abutsia tsiátóá ilekanáa Bulu osúmpú. Bumábwe ahá iwí asún ablípú, ntée ntakpan anúpu. Mboún busúna tsá ibu alé. ⁴Amú atosunáhé iha mbitebí ámu abudwe amú akúlu pú amú abí. ⁵Bugyií iwísu, abuha amú iwí utun. Bubwée atsiá buteki amú wóyísú wankláán, butɔbwé yilé, butobú amú akúlu, méni ɔhaa ḿɔkpoí Bulu asún ámu.

⁶Tɔi kpla niasubi é abugyi iwísu tógyítóá b́bwetɔ. ⁷Fú onutó é bɔ mbódí afule tsiátó wankláán suna, fú bwehé kugyíkutɔ. Ha fú ansí ipe, afusuna ɔɔkwali asún ámu tsu fú kluntɔ. ⁸Suna ɔɔkwali amu, méni ɔhaa méetalí kusú líí

fú atosunáhésu. Fówun péli békítá fú alupú, ní bumenya ɔlala blí tsú aní iwí.

⁹Suna nkpábi é abubu amú awíe ɔkpagyíɔkpasu. Bubwée tógyító igyi amú awíe amu ansí. Bumátsiá lé amú asón ɔnó. ¹⁰Bumáwi amú awíe, mboún buwáa ɔnɔkwali ha amú tógyítótó, méni amú bwehé béha ahá ansí bégyi aní nkpa Ɖhópu Bulu atosunáhé amu iwí.

¹¹Tsúfé Bulu lalé mu awitɔle ɔwan. Múgyí, odekléá ɔbóho anyánkpusa féé nkpa. ¹²Mu awitɔle amu ɔlasúná ání ilehián ání abési lalahe bwe, sí aní ɔwólí laláhe ɔmagyáa, gyi iwísu, bwé yilé, aní asón igyi mu ansí ɔyí ánfító. ¹³Bré ánfí anidé ɔkpa kú há eke yílé ámú Bulu Ɖkponkponɔti, ogyi aní Ɖhópu Yesu Kristo ɔbéle mu numnyam ɔwan ánfí. ¹⁴Mulótsulá bɔmɔ mu aní su, méni ɔbéle aní tsú lakpan kugyíkuto. Ɖtin aní iwí, pu aní bwe mu onutó ahá, aní ansí ipe yilébwesu.

¹⁵Suna íni aná, afutɔi kpla amú abugyi músú. Fubu ɔkpa wá iyun wá amú, ní bumedébi bwé. Máha ɔhaa ɔki fú ansító kótíkótí.

Okristoyin Tsiátó

3 ¹Tsia kaun amú abuba iwiasí ha ɔmá akpapú, abugyi ahande mblasu, abubu amú. Bukú ání bóbwe tóá igyi yilé brégyíbré. ²Bumáblí ɔhaa iwí asun laláhe, bumágyi nwéen é. Mboún bubwée ahá ání bolwíí, abuba iwiasí ha ɔhagyíɔha. ³Tsúfé bré ámu a, aha mimláhe aní é anígyí. Asutɔ lówa aní ɔnlun. Anilófwí, mlí nkpábi há ɔwólí laláhe pú atóá utwá ɔha ansigyí. Aniléyintá bré súsu lalahe múa tóá ide aní ansí pe iwí. Ahá bolu aní, aní é anilólu amú. ⁴Táme aní nkpa Ɖhópu Bulu léle mu awitɔle pú ɔdweá ɔbu ha aní ɔwan. ⁵Ɖlele aní, táme megyí yilé kuku anilóbwe su, mboún mu nwewúun su. Ɖlɔtsun Ɖɔɔe Wankíhé amusu fwí aní lakpan lé anísu, ɔlélakwíí aní, há aní nkpa pɔpwe. ⁶Ɖlɔtsun aní Ɖhópu Yesu Kristosu, tséí Ɖɔɔe Wankíhé amu wólí anísu. ⁷Ɖlɔbwe aní alí, méni ɔbówa awitɔle há aní, tsú mú ání aní asón da ɔkpa, fówun aní ibi béda nkpa ání utamatá ámú anidé mú ɔkpa kú amu. ⁸Asón ánfí bu mótó.

Yiri iwɪ afusuna mú wankláán, méni ahá á múú amú ansí dɪn Bulusu ámu bétsiá bwé yilé brégyíbré. Múgyí tsá ɪbu alé, ɪbówa labi há ɔhagyíɔha ni. ⁹Mápu iwɪ wá mimlá nwéngyí, anáin ulíntɔ kláa, pú mbla ámu iwɪ utrétɔ. Labi ma mútɔ kugyíkutɔ. ¹⁰Tɔ kpla ɔhá ání ɔtetí utré wá ahá nsiné tse nyɔ pé. Mú ɔma a, si mu asún. ¹¹Bi ání ɔhá ámu odu nwuntɔ bu oklún. Oyin ání lalahe mudebwe. Alahá mu iwɪ pón dodo.

Paulo Asún Tráhe

¹²Nenyá wá Artema ntée Tihiko fú wá pé, bɔ mbódí afubɔtu mí Nikopoli wúlutɔ, tsúfé nabwé agywun ání nétsiá unu atsalɪ bí. ¹³Bɔ mbódí afusi mbla osunápú Sena muv Apolo ɔkpa wankláán. Tɔtɔ umáhián amú ɔkpatɔ. ¹⁴Ha anu pi amu é abubi alíá butɔbúa aba agyómá yɔ wankláán, méni bétalí kɪ ahá ání buma tɔtɔsu. Fówun bumóɔbwe ahá ání amú iwɪ mówa labi.

¹⁵Ahá á múú bubu mí wá nfi ámu féé behá fú itsiá. Ahá ahógyipu amúú butɔdwé anu ámu itsiá.

Bulu ogyíi mlí féé buale.